



Un día de festa


Aturuxos de vento sobre o adro Cela
Novos traxes tempos vellos no ambiente do pobo

Sorrisos galantes
tremores inquedos
parellas galegas de
reloxio de peto
sombreiro de palla
polainas atadas coas cordas da burra
zapatos brillantes
pendentes de lata
mantóns que presumen por riba dos ombros
calzóns amarelos
enaguas de seda
anel de diamantes na man da parella
chaquetas vermellas
camisas de estreno
e faixas que voan na volta da roda

Aturuxos galantes
sorrisos de vento
beilladores que acariñan os soños dun mundo
beillando picados de muiñeira vella



Rubén Bastón Meira



POR

Por debaixo do mar

Por debaixo do mar

escóitanse as velas dos enterros

Séntense na pel as soidades
que se agochan tras do inmenso

folio en branco das profundidades

Saborearon este mesmo ritmo de vagar
as pestañas estiradas dos berros
dos afogados

Os faros do mundo mariño
son as bágoas dos mariñeiros

Debaixo do mar

unha nova muller acende o seu cirio
ó lado dos outros

MAR

Rubén Bastón Meira

